

國家圖書館藏歷史檔案文獻叢刊

曾國荃剿匪疏牘摺奏秘稿

第2冊

全國圖書館文獻縮微復制中心

國家圖書館藏歷史檔案文獻叢刊

曾國荃剿匪疏牘摺奏秘稿

第 2 冊

全國圖書館文獻縮微複製中心



北江陵縣知縣

照得本將軍前因風聞有外來匪徒攜帶假

充

本將軍委員在該縣龍灣一帶地方勸捐之事當經
密派儘先拔補千總張多寅會同住居直路河之儘
先千總馬光明確實訪查去後茲據該弁馬光明等
稟稱奉飭確查得現有武幫人劉竹軒等攜帶假照

冒充委員落任直路河地痞王瀛家內勒令居民捐
輸屬實該弁馬光明當稱欲為其弟捐監出錢十五
串劉竹軒親給假部監照各二 假札文二合理合
一併粘呈稟覆查核等情據此查旗營捐輸業經本
將軍 奏明截止該匪徒劉竹軒等膽敢偽造部監
照冒充委員勸捐漁利實屬目無法紀查繳呈假照
上均蓋有假文雖篆文模糊不全但究係何人起意
刊造亟應嚴拏澈底究辦以絕根株而示懲創合行
札發札到該縣立即遵照遴派幹役隨同該弁馬光

明等前往直路河務將該匪徒劉竹軒等按名拏獲
研究確供照例詳辦案關重大該縣務須嚴飭去役
不動聲色星速馳往掩捕毋稍張揚致令聞颺遠颺
是為至要

扎潛江縣史令

照得本將軍訪聞該縣有匪徒劉堯甫開設窩口窩
留各處搶拐婦女轉賣漁利以致各州縣搶婦女之
風日熾此復奏盜分贓擾害善良無惡不作疊經該
縣往捕拏該匪徒膽敢糾眾拒捕並聞有縣紳士朱

中山與該匪徒素有嫌隙幾遭其害民間畏其強橫莫敢誰何似此不法匪徒若不及早擒治必貽地方大患合行密飭札該該縣立即遵照密傳該紳士朱中山諭令購覓眼線踴明該匪徒盤踞處所出其不意會營選帶兵役馳往該處督同該紳士朱中山四面兜拏務將該匪徒劉克甫及助惡黨與悉數弋獲盡法懲治以靖地方該縣務即不動聲色嚴密辦理該匪徒耳目甚眾慎毋稍涉張皇致該匪徒得信復圖抗拒此札本將軍亦恐走漏風聲特派儘先把總

江繼元賁往面投如該匪徒仍敢恃眾圖抗該縣營力不能制亦卽就近飛稟本將軍酌派兵勇馳往協擊該縣辦事素稱勇往此案務須相機妥辦萬勿孟浪從事致悞事機是為至要

扎荊州府知府

照前經本將軍訪聞有遷居江陵縣老新口匪徒劉金香即徐文舉向在徐李塲管方泰盜現復開設園口並屢犯搶竊之案當飭江陵縣差緝並派儘先拔補千總馬光明張多寅前往確查該匪劣蹟及協同

縣差拘拏去後嗣據該弁馬光明等回轅稟稱該弁等甫抵老新口風聞該匪徒聞拏糾集匪黨意圖抗拒該弁等力不能制且恐釀成大事只得稟明等情據此查該匪徒素行不法現復不服拘拏糾黨圖抗實屬目無法紀正札飭該府督縣廣派幹役勦拏間茲據江陵縣生員晏登瀛及生員熊熾昌監生吳士湘劉少乙職員劉中林譚德豐赴轅以該匪徒劉金香情愿痛改前非赴轅稟保等情隨查熊熾昌等並未來城僅該生晏登瀛一人稟保已難保非竊名具

稟且劉金香種種不法實為地方大害該生身列膠庠膽敢出名具保其為平日狼狽相依已可概見令亟札到該府立即遵照督同江陵縣即提該生晏登瀛勸限着交匪徒劉金香即徐文舉到案並差查熊熾昌等名目是否晏登瀛竊稟分別嚴行究辦仍將該生晏登瀛發學看管無任

札京山縣知縣

照得前據本將軍派出巡查弁勇盤獲在該縣越押脫逃之汪公兒即汪登發一名除發江陵縣管押外

合亟札查札到該縣即便遵照查明汪公兒即汪啓發因何犯案何時在押脫逃先行具發一面遴派幹役給文赴江陵縣稟提該犯點交該役等小心管解回縣歸案審辦

札江陵縣知縣

照得本將軍派撥弁勇查緝著名囤戶劉金香等均遠颺無獲惟據囤戶黎道本之戶首繳出拐婦二口訊據稱一係姚黎氏丈夫姚萬造一係桂黎氏丈夫桂衡至均係京山縣人等語隨派練勇前往京山縣

查傳姚萬适桂衡至到荆互相認明屬實合併札發
札到該縣立提姚萬适桂衡至姚黎氏桂黎氏訊明
分別飭令堂堂具領取具領狀備案

札京山縣知縣

照得前經本將軍巡查弁勇盤獲在該縣犯案脫逃
之汪么即汪啓發交江陵縣管押並札行該縣查案
申覆前來查該犯汪么即汪啓發桀驁性成素不安
分若稍寬縱必貽地方大害合再札飭到到該縣一
俟該犯解到務即嚴加懲辦慎毋稍涉輕縱致貽後患

札安陸府知府

茲據防禦良續等呈稱於十二月十六日奉差迎接
右翼副都統行至宜城縣地方探聽大人已經到樊
擬由水路起程職當即顧覓船隻連夜上迎行至小
河口地方詢訪並無官船踪影復恐大人起早是以
捨舟登陸帶同筆帖式德海由小河口徑奔樊城復
令帖寫福惠等仍回宜城江邊等候是夜行抵樊城
始知大人業已開船東下復行顧船順流追趕至
宜城江邊已將天明與大人坐船相隔僅止十餘里

於是覓人寄信與帖馬福惠等令其買舟隨後趕來
職復趕下三十餘里方纔趕上不意帖馬等因船隻
不便復由宜城旱路起程二十二日二更時行至快
活鋪地方突遇二十餘人各執刀矛將行李挑開搶
去制錢八串餘文該帖馬等幸而逃脫尚未致傷當
即馳報麗陽驛巡檢章錦文該司給錢一串令其喂
馬並云當即詳報差拿是實等情據此查快活鋪為
通衢大道當荆襄要衢驛使往來在無虛日乃竟有
如此匪徒持械搶劫實屬目無法紀本

將軍副都統

近聞安

襄一帶多有刀匪圍戶擾害民生奇案迭出似此攔路劫搶聲音皆係附近居民口氣推原其故寔因該縣平時疎忽之所致為此合亟札飭札到該府速飭鍾祥縣刻即遵照轉派妥役密為緝拿務將此案弋獲從嚴處治以昭炯戒而安商旅查訊明確後即由該縣從重治罪懲辦萬不可稍存姑息之心仍將辦理緣由迅為稟復

扎京山縣知縣

適於同治十一年十一月十七日據該縣監生汪世

昌五品軍功胡俊元稟報情因戊午年間有教匪周炳文並作美等引教吃齋日散夜聚地上不料吃齋之教是存謀叛之意孰意至辛酉年三月初十日匪黨硬起反謀叛傷壞許多人丁焚燹無數民宅幸得團勇努力攻散剿滅擒扭周文炳縣堂治罪並殺匪黨一百有餘如是匪漸消滅無如至戊辰年間教匪陳作美並劉北海等見匪案風案又邀約遠近故匪相傳玉皇羅店五寶財神文昌光華等團擾害一帶地方共聚萬餘教匪生等驚該商議團內有監生黃

開榜生員曾憲桂貢生祁鳳德職員胡進修團正周
茂彩黃福春胡定典高祥彩團保周福楚黃達三等
使保甲申明本堂父母屢出示禁匪不畏威另使人
入匪黨門內探其虛實限至十月初間匪黨言氣數
已盡明主出世果有令旗暗傳四方可証並言臘月
起謀叛之說生等無何惟是叩稟將軍老大人台前
以救萬民之恩若不誠此時攻滅又恐匪黨與辛酉
年效尤地土生民受傷後悔難挽仰恩賞准剿滅生
民無不頌德厚等因如果屬是亟應密拏務獲嚴加

懲辦以靖地方為此札仰該縣查照監生汪世昌等
所稟情形即宜妥派幹役購覓眼線設法緝獲教匪
陳作美劉北海等到案訊明口供從重懲辦以絕末
本將軍處已經派弁勇往拿矣該令當以地方為重
不辭勞苦務使悉數弋獲庶不致滋蔓難圖

札江陵縣知縣

據該縣民人帥中清攔馬稟稱為拐匪霸佔套縮統
搶叩懇提辦斧斷事情蟻住監利縣孫家塲幼聘王
氏為婚夫婦和好生得一女因同治九年荒歉蟻夫